

ZAKON O STATISTICI U FEDERACIJI BOSNE I HERCEGOVINE

Član 22.

Kao stručno i savjetodavno tijelo za strateška i razvojna pitanja organizovanja i provođenja statističkih istraživanja u Federaciji obrazuje se Statističko vijeće.

Član 23.

Statističko vijeće obavlja poslove koji se odnose na:

1. razmatra nacрте i prijedloge četverogodišnjeg programa, godišnjeg plana rada i drugih propisa iz oblasti statistike;
2. razmatra metodološke osnove statističkih istraživanja;
3. pruža stručnu pomoć iz oblasti statistike;
4. predlaže racionalizaciju i modernizaciju rada statistike;
5. predlaže klasifikacije koje se ustanovljavaju kao standardi statistike;
6. razmatra godišnje izvještaje o izvršenju Plana rada za prethodnu godinu i daje mišljenja o tom Planu najkasnije do kraja februara tekuće godine.

Član 24.

Statističko vijeće sačinjavaju: po jedan predstavnik federalnih ministarstava, ostalih ovlaštenih organa za poslove statistike, Privredne komore Federacije Bosne i Hercegovine, Obrtničke komore Federacije Bosne i Hercegovine; dva predstavnika značajnijih izvještajnih jedinica (davalaca podataka) iz privrede i dva istaknuta stručnjaka iz područja statistike sa visokoškolskih institucija.

Direktor Federalnog zavoda je po svojoj funkciji predsjednik Statističkog vijeća.

Članove Statističkog vijeća imenuje Vlada Federacije Bosne i Hercegovine, na prijedlog direktora Federalnog zavoda.

Član 25.

Na prvoj sjednici Statističkog vijeća donosi se poslovnik o radu Statističkog vijeća.

Administrativno – tehničke poslove za potrebe Statističkog vijeća obavlja Federalni zavod.